

## SAMANTEKT Á EIGINLEIKUM LYFS

### 1. HEITI DÝRALYFS

Genta-Equine 100 mg/ml stungulyf, lausn fyrir hesta.

### 2. INNİHALDSLÝSING

Hver ml inniheldur:

#### Virk innihaldsefni:

Gentamícín (sem gentamícínsúlfat) 100 mg

#### Hjálparefni:

Natríummetabísúlfíð	1,0 mg
Natríummetýlparahýdroxýbenzóat (E219)	0,9 mg
Natríumprópýlparahýdroxýbenzóat (E217)	0,1 mg

Sjá lista yfir öll hjálparefni í kafla 6.1

### 3. LYFJAFORM

Stungulyf, lausn

Tær, sæfð, nánast litlaus vatnslausn stungulyfs.

### 4. KLÍNÍSKAR UPPLÝSINGAR

#### 4.1 Dýrategundir

Hestar (sem ekki gefa af sér afurðir til manneldis).

#### 4.2 Ábendingar fyrir tilgreindar dýrategundir

Til meðferðar við sýkingum í neðri öndunarvegi hesta af völdum lofháðra, Gram-neikvæðra baktería sem næmar eru fyrir gentamícíni.

#### 4.3 Frábendingar

Notið ekki ef um er að ræða truflun á nýrnastarfsemi.

Gefið ekki dýrum sem hafa ofnæmi fyrir virka efninu eða einhverju hjálparefnanna.

Ekki má nota stærri skammta en mælt er fyrir um.

#### 4.4 Sérstök varnaðarorð

Notið ekki handa hestum sem sem gefa af sér kjöt eða mjólk til manneldis.

#### 4.5 Sérstakar varúðarreglur við notkun

##### Sérstakar varúðarreglur við notkun hjá dýrum

Hestar:

Þekkt er að gentamícín veldur nýrnaskemmdum, jafnvel í meðferðarskömmum. Einnig hefur í einstökum tilvikum verið tilkynnt um eiturhrif á heyrn við notkun gentamícíns. Engin öryggismörk hafa verið sett við samþykkta meðferðarskammta. Gentamícín hefur í sjálfu sér mjög þróng öryggismörk. Því skal aðeins nota lyfið á grundvelli mats dýralæknis á ávinningi og áhættu fyrir hvern hest, að teknu tilliti til annarrar meðferðar sem í boði er.

Til að draga úr hættu á nýrnaskemmdum skal tryggja nægilega vökvun dýra sem fá lyfið og hefja vökvameðferð ef þörf krefur.

Ráðlagt er að fylgjast vel með hestum sem fá gentamícín. Í því felst mat á viðeigandi nýrnagildum í blóði (t.d. kreatínín og þvagefni) og greining á þvagi (t.d. hlutfall gammaglútamýltransferasa/kreatíníns). Einnig er ráðlagt að fylgjast með styrk gentamícíns í blóði þar sem þekkt er að breytileiki er milli einstakra dýra á hágildum og lággildum þéttini gentamícíns í plasma. Þar sem mögulegt er að fylgjast með þéttni í blóði skal hágildi gentamícíns í plasma vera um 16-20 µg/ml.

Sérstaklega skal gæta varúðar þegar gentamícín er gefið samtímis öðrum lyfjum sem valdið geta nýrnaskemmdum (sem innihalda t.d. bólguveyðandi verkjalyf, fúrósemíð og önnur amínóglýkósið).

Ekki hefur verið sýnt fram á öryggi gentamícíns hjá folöldum og þekkingu skortir á viðbótaráhrifum gentamícíns á nýru folalda, einkum hjá nýköstuðum folöldum. Núverandi þekking bendir til að folöld, einkum nýköstuð, eigi frekar á hættu að fá nýrnaskemmdir af völdum gentamícíns en fullorðin dýr. Munur á nýrum nýkastaðra folalda og fullorðinna dýra felst meðal annars í hægari úthreinsun gentamícíns hjá folöldum. Í sjálfu sér hafa engin öryggismörk verið sett vegna notkunar lyfsins hjá nýköstuðum folöldum. Því er ekki ráðlagt að nota lyfið hjá folöldum.

Notkun dýralyfsins skal byggja á næmisprófunum á bakteríum sem einangrast hafa hjá dýrinu þegar það er mögulegt. Gentamícín er þróngvirkт sýklalyf gegn Gram-neikvæðum bakteríum sem hefur ekki áhrif á loftfælnar bakteríur og berfryminga (mycoplasma). Gentamícín smýgur hvorki inn í frumu né ígerð. Gentamícín verður óvirkт í bólguhroða, lágum súrefnissstyrk og við lágt pH.

Ekki má nota stærri skammtra en mælt er fyrir um. Ef dýralyfið er notað á annan hátt en leiðbeiningar seðja til um eykur það hættu á nýrnaskemmdum og getur valdið fjölgun baktería sem ónæmar eru fyrir gentamícíni.

Gæta skal sérstakrar varúðar ef gentamícín er notað hjá gömlum hrossum eða ef um er að ræða hita, blóðeitrun, blóðsýkingu og vessaþurrð.

#### Sérstakar varúðarreglur fyrir þann sem gefur dýrinu lyfið

Þeir sem hafa ofnæmi fyrir gentamícín skulu forðast snertingu við dýralyfið. Gefa skal dýralyfið með varúð.

Ef sá sem annast lyfjagjöf sprautar sig með dýralyfinu fyrir slysni skal tafarlaust leita til læknis og hafa meðferðis fylgiseðil eða umbúðir dýralyfsins.

#### **4.6 Aukaverkanir (tíðni og alvarleiki)**

Staðbundin viðbrögð kunna að koma fram á stungustað, einkum ef um er að ræða endurteknar inndælingar á aðliggjandi svæði.

Sjá kafla 4.5

#### **4.7 Notkun á meðgöngu, við mjólkurgjöf og varp**

Engar upplýsingar liggja fyrir um öryggi lyfsins hjá fylfullum hryssum. Þó hafa rannsóknir á tilraunadýrum sýnt merki um nýrnaskemmdir hjá fóstrum. Aðeins skal nota lyfið eftir mat dýralæknis á ávinningi og áhættu.

## **4.8 Milliverkanir við önnur lyf og aðrar milliverkanir**

Ekki skal nota lyfið samhliða öðrum sýklalyfjum sem innihalda amínóglýkósíð, eða með öðrum lyfjum sem vitað er að valdi eiturverkunum á heyrn eða nýru.

## **4.9 Skammtar og íkomuleið**

Hestar:

Til notkunar í bláæð.

Stakur skammtur sem nemur 6,6 mg/kg líkamsþyngdar gefinn í bláæð einu sinni á dag í 3-5 daga. Til að tryggja rétta skömmtu skal ákvarða líkamsþyngd eins nákvæmlega og mögulegt er, svo forðast megi of- eða vanskömmtu. Ekki má nota stærri skammt en mælt er fyrir um.

Ekki er ráðlagt að nota dýralyfið hjá fololdum eða nýköstuðum fololdum.

## **4.10 Ofskömmtu (einkenni, bráðameðferð, móteitur), ef þörf krefur**

Lyfið hefur ekki verið prófað sérstaklega í rannsóknum á ofskömmtu og því hafa engin mörk verið ákvörðuð varðandi öryggi.

## **4.11 Biðtími fyrir afurðanýtingu**

Notið ekki handa hestum sem gefa af sér kjöt og mjólk til manneldis.

## **5. LYFJAFRÆDILEGAR UPPLÝSINGAR**

Flokkun eftir verkun: Bakteríulyf til altækrar notkunar (systemic use), gentamícín.

ATCvet flokkur: QJ01GB03

### **5.1 Lyfhrif**

Gentamícín súlfat sýnir þétniháða bakteríudrepandi eiginleika. Bakteríudrap eykst eftir því sem þéttni gentamícíns eykst umfram lágmarks heftistyrk (MIC) fyrir tiltekinn Gram-neikvæðan sýkil og er kjörlutfall hámarksþéttni í sermi ( $C_{max}$ ) og lágmarks heftistyrks 8-10.

Bakteríudrepandi verkun gentamícín súlfats er vegna óafturkræfrar bindingar við 30S undireiningar ríbósóma og er verkunahátturinn tvenns konar. Annars vegar getur gentamícín hindrað fjölliðun amínósýra og lengingu próteina og á það sér stað við háa þéttni. Hins vegar getur gentamícín valdið því að tRNA misles amínósýrutákn og leiðréttigarvirkni skerðist. Þessi verkun á sér einkum stað við lága þéttni og veldur röngum amínósýruröðum og myndun óvirkra próteina.

Efnið er mjög skautað, vatnssækið og flutningur þess virðist virkur og nátengdur rafeindaflutningi, oxunarfosfórun og öndunarkínónum í frumu himunnini. Gentamícín dreifist einkum um millifrumuvökva. Gentamícín dreifist ekki í heila- og mænuvökva.

Gentamícín er best flokkað sem þróengvirk sýklalyf með bakteríudrepandi verkun gegn Gram-neikvæðum bakteríum (t.d. *E.coli*, *Proteus*, *Pseudomonas*). Gentamícín hefur ekki áhrif á loftfælnar bakteríur og berfryminga. Gentamícín smýgur hvorki inn í frumu né ígerð. Gentamícín verður óvirkt í bólguhroða, lágum súrefnisstyrk og við lágt pH. Gentamícín skilst óbreytt út í nýrum með gaukulsfún og nemur útskilnaður um nýru 85-95% af skammtinum.

Ýmsir stofnar baktería hafa myndað nokkrar gerðir ónæmis gegn amínóglýkósíðum á borð við gentamícín. Algengasta ónæmið gegn amínóglýkósíðum er af völdum ensíma sem gera lyfin óvirk og hafa yfir 50 slík ensím verið skilgreind. Óvirkjun af völdum ensíma veldur miklu þoli baktería gegn lyfinu. Genin sem skrá fyrir ensínum sem breyta amínóglýkósíðum finnast oftast á plasmíðum og stökkum.

Þrjár gerðir eru til af ensínum sem gera amínóglýkósíða óvirka:

1. N-acetyltransferasar (AAC) – hvata acetyl CoA-háða acetýleringu amínóhóps
2. O-adenyltransferasar (ANT) – hvata ATP-háða adenýleringu hýdroxylhóps
3. O-fosfótransferasar (APH) – hvata ATP-háða fosförýleringu hýdroxylhóps

Tvær aðrar gerðir ónæmis eru stökkbreytingar í bindiseti amínóglýkósíða í 30S undireiningu ríbósóma og minnkað gegndræpi amínóglýkósíða hjá bakteríunum.

## 5.2 Lyfjahvörf

Gentamícín súlfat frásogast hægt úr meltingarvegi og því þarf að gefa lyfið sem stungulyf til að ná fram altækri virkni. Það kemur fram í liðhimnu- og lífhimnuvökva en árangursríku magni er ekki náð í heila- og mænuvökva, berkjuseyti, vökva í auga eða mjólk. Brotthvarf verður að mestu leyti með gauklasíun og kemur fljótt fram í þvagi.

Gentamícín er lyf með mikla skautun og lítið gegnflæði í vefi; það dreifist aðallega í vökva utan frumna.

## 6. LYFJAGERÐARFRÆÐILEGAR UPPLÝSINGAR

### 6.1 Hjálparefni

Natríummetýlparahýdroxýbenzóat (E219)  
Natríumprópýlparahýdroxýbenzóat (E217)  
Natríummetabísúlfíð  
Natríumsítrat  
Edetiksýra  
Sítrónusýrueinhýdrat  
Vatn fyrir stungulyf

### 6.2 Ósamrýmanleiki

Enginn þekktur.

### 6.3 Geymsluþol

Geymsluþol dýralyfsins í söluumbúðum: 2 ár  
Geymsluþol eftir að innri umbúðir hafa verið rofnar: 28 dagar

### 6.4 Sérstakar varúðarreglur við geymslu

Verjið gegn ljósi.

### 6.5 Gerð og samsetning innri umbúða

100 ml glært, hettuglas úr gleri af gerð II, innsiglað með brómóbútlappa af gerð I og álinnsigli.

### 6.6 Sérstakar varúðarreglur vegna förgunar ónotaðra dýralyfja eða úrgangs sem til fellur við notkun þeirra

Farga skal ónotuðu dýralyfi eða úrgangi vegna dýralyfs í samræmi við gildandi reglur.

## 7. MARKAÐSLEYFISHAFI

Franklin Pharmaceuticals Limited

Athboy Road  
Trim  
Co. Meath  
Írland

**8. MARKAÐSLEYFISNÚMER**

IS/2/14/004/01

**9. DAGSETNING FYRSTU ÚTGÁFU MARKAÐSLEYFIS/ENDURNÝJUNAR  
MARKAÐSLEYFIS**

27. mars 2014.

**10. DAGSETNING ENDURSKOÐUNAR TEXTANS**

18. janúar 2016.